

穿絳闕透上九天煉烙兩目難開終為大患
急急須更撥遷延歲月變成魔境淪落○六
神失御猖狂三尸放蕩五賊俱成惡要鎮炎
炎歸玉路深入神宮恢廓三盜循環相交水
火鍛鍊成丹藥驅馳歸正得醇賢聖糟粕

全真

感庭秋

陰陽悉備道風淳粹保天真分孽剛柔動
靜鍊九還丹體清新○扶持一性已通神觸
處露全身了了三空無礙混太虛體淨超塵

又

志通天地媿精神消息葆全真造化玄黃極
妙鍊九陽現變遠巡○西來祖意坦然伸無
礙法門親應化河沙周普露妙圓精粕清醇

又

如如徹底性圓明三昧理研精縱使頭頭應
顯是一靈陰魄神情○玄機須悟志澄清丹
體鼎煎烹養就純陽法象性命全永保無生

會真集卷之三

會真集卷之四

夜九

詞

超然子王古曰撰

春從天外來

名利如何歎六朝七國五霸山河幾多興廢

一夢南柯光陰暗裏消磨雲山煙水好歸
去策杖披蓑任春秋樂調神養氣行止踈
家園雪梅火棗醞玉壺激灑滿泛金波爛飲
醺醺神遊雲外真樂自在吟哦伴清風明月
通天奏飛舞婆娑世沖和證鴻濛體段超彼
波羅

其二

返本修真待一陽初動五氣全伸金童施義
玉女弘仁剛柔消息成姻會黃庭仙館慧風
引宴拉諸神瑞煙濃泛瓊壺雪浪烹點鉛銀
水肌爛霞帳錦帳三奇光射瓊華清新體膩
蘭香魂飛羽健陪從道德為隣傲太虛翠廓
真清淨不變長春性中珍輝十方三界元邁
水輪

水調歌頭

沖和養真命神耀破昏衢水山明秀雷澤深
處孕玄珠七曜北辰樞紐燦爛金華氣結槁
木得重甦靈腑風煙靜嶽頂月輪孤○透三
天滋九鼎飲瓊酥華胥笑傲陶陶沉醉玉童
扶窈窕芝翫鶴駕馳驟純陽聖境宇宙不能
拘寂閱先天貌隱顯混虛無

其二

慧風掃魔障寶劍輪迴內澄神息驅逐甘
露灑靈臺四象五行三一聚鼎煙凝紫籥鼓
潤發雲雷水泛金花折火養玉蓮開○應符
數合九六契三才資成健體清風明月久追
陪杳杳冥冥精變一混希夷道化神用顯恢
恢勢歸歸極樂咫尺說蓬萊

解愁

今古常情多強侮弱蠻觸是非成惡上大垂
孔豎定富貴理無適莫決烈英賢總不如訪
道德至虛清樂旋調燮木液金晶九重玉闕
鍊玄霜藥○光灼滿室輝華顯陽體飛行變
通難約放懷明月下恣醪酌玉童斟酌萬籟
聲清鳴管籥傲物外澄澄寥廓放租意獨掌

禪天透徹占得最長生著

滿江紅慢

勤破榮華提智劍急逃生死要點聰墮體虛
室內專窮理綠水青山成伴侶清風明月為
知己得自歌自樂樂天真真常美○曾襟靜
神情喜從舒卷恣行止肖孤雲野鶴往來難
擬釋氏真風勤整頓淨除諸障如頑鄙醒圓
明一點證菩提功超彼

其二

志士窮元憑決烈密閉塵網務理神和暢真
素內純恬養一氣氤氳成造化九官上下通
來往運三光臨照晃乾坤華英長○金光燦
心燈朗常清淨絕阿黨盡頭頭能顯劫未形
像非外非中真境露不生不滅通天真已虛
空打破脫輪迴遐齡享

燭影搖紅贈馬瑩結

心冷徂徒志循教父尋宗祖上天秘訣始恢
弘冰雪充靈腑封閉庚金土釜定陰陽幹旋
子午應時昇降造化希夷三光明吐○性命
相資地天交泰分賓主湛然昏默契神功法

儗周沙魯此理君休輕俊莫貪愛縱心踰矩
一朝功滿三島同歸名超今古

其二 警善惡

大道門開正當甲子天元數三清仙院列名
科精選須超度此出幽人理悟棄榮華浮套
不顧鑿開圓覺打破虛空存登雲路○愛海
惡流樂歸戲說沈諸趣冥冥深夜昧三光手
足渾無措縲紲都難訴恨修遲速途失步
相躋真境動扯清風何時能遇

鑄定針

道忠告想射日回天到頭虛耗曠劫沉埋名
利氣財識破餘風一掃寸心清操會得過箇
中三盜斡旋星斗銀河運轉浪傾丹竈○玄
黃氣相導結地髓天精蠢然騰倒烹玉燒金
神化至虛體合希夷深奧彩雲高蹈露妙體
真空長傲這些風味咫尺世人不到

其二

釀金醴灌上下三田劫塵一洗養浩師軻賢
樂慕回情逸泛湖蘘蠡內據惶悒傲妙花道
風濟濟滌除心照無離抱一致柔循禮○宵

襟冒雲陞盜月殿蟾精日宮鳥髓二物相資
烹鍊玉霜滿室丹霞光啓變成玄體諒作簡
陽魂頭抵步風超越不在九霄境底

水龍吟

沖和牧養循天數暗契運行躡度陰陽隱態
風雷雲電相凝作澍點滴靈源注過澆漑宿
塵難污顯曲江瑩靜鳥擒玉兔桂柯宿吐紅
霧○二氣氤氳結聚散金光三山容布鍊成
健體童顏滋潤飛行餘裕神變超塵超表清
淨真容全露是劫來一段通天活計在人人
悟

其二

乾坤利判陰陽位撲散氤氳成器母懷子腹
兒因母產香冥分瑞體化成純粹廓神室雲
收塵累現風清月朗金童飛舞傲嘉山景奇
異○宴罷歸來沉醉到華胥玉闕猶開鸞闕
壁帳主人邀我密傳祖意豈有三空體顯清
淨圓明不二放縱橫自在無牽無繫與虛空
類

其三

慧驅茅塞開心地氣養氣氣純粹三奇聚鼎
炎炎火裏丹花吐瑞海底上清吹異香噴芳
姿肥膩被木重拈弄飛行無礙寶光觀彩霞
織○與室清涼常媚那眉襟水霜光被煙消
火滅雲收霧欲頻成不二頭角道暹事混河
沙光塵不異這元初妙有清虛法體證吾提
位

其四

至人主掌修真柄格外玄言究竟澄澄沉慮
綿綿至息氣氣真性一混炎風勁五門開三
奇光並動盈虛時候陰陽變黍顯具造契天
命○整頓神情中正現長春風光卓夙懶霞
萬縷煙嵐一派盈空澄淨遠近樓臺映蒼雲
步道過歌詠傲清涼法界安閑活計證無為
聖

瑞鶴仙

表情崇淡蕩蕩浮萍蹤逐波淪落聰明總
不作念掀天富貴夢驚為錯猛揮索索訪餘
裕具風綽綽谷神寧緩息通真元氣動符紫
籙○揮霍玉鑪金鼎火袞雲翻妙煖丹藥神

魂剔撥成純粹體恢廓向冥冥杳杳湛徹壺
天鎖略清風逸樂混虛無真淨真清了空一
著

永遇樂

妙契天輪轉樞七政玉衡旋轉潛運昇沉推
窮造化一氣三奇變應精蟾髓鸞津烏血滾
滾鼎中烹鍊玄珠結金葉鮮妍質起九龍光
電○嬰投金室姪歸銀闕至歌關疾清宴翳
翠幃低珍珠簾捲喜氣祥雲銜水寒天關風
清月皎顯由本來頭面圓空廓無礙神通太
虛撒過

其二

錫角功名蠅頭利賂慨然除勦唾手揚鋒別
開關要箇裏玄元曉迷雲瓦解禪天水壘頭
露月明風裏印千派綠水澄澄普浸一輪皎
皎○卓然獨立圓融模樣適避一混不擾來
往分明斷常都泯吉應陽魂兆清涼彼岸妙
明活計坐卧玉花窈窕魏魏證無漏功圓聖
機了了

其三

智劍剛鋒百魔勦退騰驚心顛猛虎生擒蛟
龍活捉撒起威神變雷轟鐵鼓飛金電袞
袞亂雲噴霰徹江海洪浪衝翻兩獸正當死
戰○三山火迸九天霞燦翠籠寶藏光現瑞
色千條黃金一點壹鼎頻頻鍊烹成瓊蕊紫肌
膚雪樣顯出玉人頭面木童喜相拉歸來真
香滿院

其四

一氣氤氳旋宇宙萬端神變造化昇沉東
西顛倒金木情相戀紅霞千縷金光一派應
是日歸蟾殿異香襯丹桂爭輝六陰九陽習
戰○雲收雨散風清月朗始見舊時頭面靜
裏加恬閑中沉慮法界從遊冥網踈銀漢關
關鐵壁隱顯變通難見無中有體混河沙妙
場業擅

神光燦

慈歡默念動靜剎心無人野上恢恢秀氣融
融巧醞鼓潤風雷發揮地天變奉作甘霖法
種運開顯嘉瑞向黃庭錦帳妙產神胎○露
霽祥光罩體九龍水浴出捧上瑤臺笑傲長

春笙歌闌送金盞景簇瓊英燦爛醉乘風飛
舞徘徊得真樂料前途生滅自權

其二

神功造化轉轉天輪開中默契真修照耀三
光推移五氣添抽北斗南辰圍遶捲銀河萬
派波流玉闕啓運三車夜寂齊駕金牛○霹
靂轟轟驚守宙紅光透山川電掣無休不設黃
芽霞罩鳳闕龍樓定結圓珠無價木童喜松
密牢收這模樣拉虛空證果到頭

南歌子

洞鎖猿馴靜輻收馬不顯氣凝神聚契空圓
浩劫雲收長傲自家天○皓月清風爽祥光
翠瑞蓮木人石女共談玄變態神通物外證
金仙

其二

固蒂恢機柵深根植化權拈花摘葉總除錫
引養沖和上下貫三田○江岸和馬兔丹爐
煮汞鉛數成九轉聖功圓體透金光晃耀照
禪天

其三

絕念驅群醜溼心勤萬緣內樞索蒼息綿綿
一貫三宮經緯契周天○大力温金鼎明循
六百篇烹成二八體方圓隱映祥光綽約傲
飛仙

其四

燭點心光吐雲收性月輝一壺水瑩振風威
萬象參羅魁斗斡璇璣○造化無為理恢恢
道化魏冥冥香杳契天機鶴偁神功法界步
雲歸

其五

靈腑諸塵淨民山一氣生三田晝夜鐵牛耕
鼓潤風雷金井長瓊英○大力憑加減水肌
應候烹圓明方寸鬼神驚悅暢仙童餌訖恣
飛行

其六

極品輕肥貴金章列鼎雄掀天聲價暫時中
電轉星飛身沒氣隨風○嗟予驚前拙業愚
不作聰元陽真秀緊修崇九九功圓平步說
蓮宮

其七

大藥西南採調和東北隅火龍水虎奮天衢
七政樞機幹轉運瓊酥○月窟噴香麝水壺
送玉珠金童拈弄謁仙都喜動天顏賜壽等
虛無

其八

氣射秋光冷胃藏艷色風騰身宛轉離龍宮
趨道蘭庭筭歲喜和同○跨虎清溪裏驅鳥
皓月中撻完鼎鍊藥成功揮霍神通無礙傲
真空

江梅引

玄珠吐瑞電光飛透簾幃遠璇璣倒捲黃河
風浪湧神威子後六爻陰復降成七返仙童
展羽衣○浩然恬養道魏魏主無邊運客同歸
不見元初萬象境依稀湛入希夷常默默全
體露證鴻濛一點輝

其二

猿頭馬步論修真最艱辛道難親西女箇惺惺
慷慨脫凡塵推倒恩山心裂碎樂雲雲水歸依
德有隣○坎離真造養元神曲江流藥苗新
醞就瓊田富國已安民壯觀九陽玄體健揮

法界表魏魏道化純

其三

黃裳元吉縱金風擊疎桐退殘紅萬物歸根
祖意證圓空兀兀時當明西令黃菊綻秋香
滿玉叢○登高聖會與無窮醮金翁聚仙童
奕氣盈襟沈寂內靈通高傲無為真自樂顯
本體振巍巍萬古雄

其四

無明咬斷契真修度春秋志清幽江月光飛
冰彩耀神州萬劫雲收明祖意眉毛剔齊偕
萬事休○混融性命妙機投兩網繆恣神遊
湛湛真空天地殼難收通變固極非內外太
虛體廓元初氣氾浮

採桑子 贈王姑

性弘定慧空消息虛谷傳神無像天真拍塞
乾坤貌至純○歷年無礙圓明相不變長春
祖意明伸陰粹陽精身外身

其二

性珠瑩徹禪天月三界流光四海呈祥氣會
神文降玉霜○靈芽勻漬金花綻透體清香

窮噴明堂歷劫宗風道化昌

其三

慧光剔透茅心鄙絕慮忘情形靜神清捧出
圓空一點明○驅雲掃霧神機勝出入縱橫
實相難名揮斥光華耀八紘

其四

志樞動靜動朝暮持說屯蒙消息玄通索籥
吹嗑契太空○匠成伏火純陽體法界沖融
造化真功宇宙都歸掌握中

綠頭鴨

道風清武簾交互經營聚三天合和兩地幹
元宮真氣流行變剛柔游龍托馬應七十二
候生成走玉飛金噴煙吸霧相交水火迅當
鳴六陰散三陽鼎聚丹品秀華英香風觀金
光透體幾縷霞明○頭開基頭顯性顯徹大
千沙界縱橫拉輕吹徘徊踴躍步雲霄體段
崢嶸非色非空不增不減海珍如意吐真雷
聲內外光華無礙神用六通迎先天貌功成
蕩蕩無復能名

其二

體希夷谷神玄牝為基氣回蹙三千六百週
雙關風浪漣漪遠金城墜牛拉鳳度玉徑木
馬參龜七返歸真九還復命孕成魂聖瑞煙
彌念般若不迷三昧得岸證無為超真境紅
光素艷出入相隨○洞天瑩清微灑落恣陽
魂輕捷風馳扶神耀無涯炳煥總輝開千古
容儀清淨風光沖虛活計浩然一點頓無虧
放聖變通天徹地球顯露摩尼如如相騰騰
兀兀處處瑤池

兩霖零

萬緣心歇放神情和暢痼疾蟄窟清虛道業
修崇蟠神息運無倉卒七曜迎真虛室潔冷
輝冰骨鎮九天十二樓前五氣騰空帳金闕
高提慧劍仙童謁遊寒光尖鋒挑日月收藏
炳耀精華聚壺鼎激玄霜發有物生成無上
妙總歸恍惚廓性海浸潤無為紳約三空越

其二

乾元資始偶坤柔成物默契天參推移造化
清虛運三要五行神水九氣騰空六陰靜潛
生煙紫顯降昇消息還元玉窟三花吐金藥

虛室寶藏風琴美送青娥離官宴赤子螺盃
灑灑香浮恣洪飲寫真情喜物外魏魏陽體
露出離生死相曠代販骨輪流了了今生止

會真集卷之四

會真集卷之五

趙然子王吉昌撰

率

蕩山溪

元來一點本也無生滅遂景落陰陽匠成形
頭面轉別五濁惡代八苦鎮交煎生還死死
還生生死何時徹○教君省悟志奪玄黃訣
七耀貫三奇幹珠瓊推移氣泄九還七返藥
配按時烹黃金窟綻瓊英五氣飛紅雪

醉落魄

齋心養浩幹顛倒五行真造靈風上下牙三
島功契周天真一內深抱○有形資養無形
道無情醞就有情寶扶持體健神永保獨露
禪天心照月光皓

金盞子

鎖猿心慮沉沉冥冥杳杳玄機運南天火北
淵金闕采鼎虎龍吟滋九氣剝群陰○酒勤
斟韻風琴斷送木童洪醉飲六腑暢五神歆
濟聖域脫凡襟清淨體鬼神歆

其二

保天真養元神調和二物東陽醞循天數應

時辰抽添謹起庚申烹汞鍊鉛銀○八瓊
新雪肌勻紅雲匝地香風動西來容意精純
華胥夢夢遊春歸物外露全身

其三

扣玄關步雲山花光石潤松風軟琴解慍酒
開顏衷情邊放心閑諸境滅我獨頑○九陽
還六陰剛收藏八寶金光滿融體耀彩霞殷
形實相太無間迎仙客越塵寰

其四

勦塵情慧風生天關地軸為權柄玄機運斗
樞行蟾兔髓日烏精壬府聚玉鑲烹○秀華
英萬神清三台六輔天宮慶食玉液醞真精
歸覺海混圓成觀自在貌崢嶸

其五

翠嵐時綠波清光浮草屋松窓靜葦葦著膝
琴橫閑唱詠愜真情貧自樂勝公卿○寵無
榮辱無驚靈臺將養消息勝權月淨性珠明
三昧解六通精無上道證圓成

醉蓬萊

混元形一氣位析乾坤樞分玉瑞曠劫難逃